



Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 4. Fridericus V. Palatinus Elector Bohemicam coronam affectans.

[urn:nbn:de:hbz:466:1-67326](#)

pluresque aliæ leges, Catholicæ Reli- Sæc. XVII.
gioni admodum infestæ, Bohemorum A. C. 1619.
odium in Catholicos, & seditiosam eo-
rum indolem luculenter testabantur. Ce-
terum his inter se ita conventis diem,
qua repudiato Ferdinando ad novi Re-
gis electionem convenienter, decerne-
bant.

§. IV.

Fridericus V. Palatinus Elector Bo- hemiam coronam affectans.

Suadebant equidem ex moderationi- Merc. Gal-
bus nonnulli, æquis conditionibus lob. l. c.
cum Ferdinando Rege transigendum, Barre p. 476.
prævaluere tamen illi, quos rerum no- Calmet Hist.
vandarum cupiditas, & veniæ despe- Univers.
ratio ad excutiendum Austriacum im- l. 150.
perium stimulabat. Hi ergo Ferdinan- Brachel. l. e.
do amoto novum Regem, qui gratus
multitudini propriis quoque viribus Re-
gnum tueri posset, eligi petebant, hanc-
que in rem modo Daniæ, & Sabaudiæ
Reges, modo Saxoniæ & Bavariæ Du-
ces præcipue vero Fridericum V. Palati-
num proposuere. Hic igitur propen-
sam Bohemorum in se voluntatem con-
siderans, Pragæ Bohemios Ordines per-
suos Ministros sibi devincire satagebat,
eorumque oppositionem contra Ferdi-
nandum ratam habens, moras inter-
regni

Sæc. XVII. regni longiores rebus turbandis perop.
A. C. 1619. portunas studiose quærebat, monens
Electores, ne Electionem Romanorum
Regis præcipitarent, sed compositis
prius dissidiis controversias tollerent,
ipse vero comitia accedere noluit, ne
Bohemos & fœderatos per gratulatio-
nem Ferdinando post ipsius electionem
ferendam offenderet, sed eo decreve-
rat suos Oratores, quibus injunxit, ut
ne Ferdinandus eligeretur, cuncta mo-
lirentur. Insuper ad omnes intentus
erat occasiones, in quibus suum erga
Bohemos affectum eis testari posset;
cumque sibi compertum haberet, quod
Philippus Comes Licho-Solmensis cum
quingentis Equitibus in Belgio & Co-
loniensi ditione conscriptis per Palati-
num ad Bucquoii castra transfire para-
ret, Fridericus Marchionem Onolz-
bacensem ea de re certiore reddidit,
qui etiam illos die trigesima prima Ju-
lii prope Aichstadium profligavit, quæ-
sito obtenu, quod hæ copiæ, incon-
sulto Palatino, per ipsius territorium
transfire præsumpfissent. Sub idem
tempus Tampierensis Comitis milites
a Moravis fusi, fugatique fuere, Buc-
quoius vero Pisecam, pluresque alias
urbes suis armis subjecit.

§. V.